

春秋大事表

第三函
第八冊



春秋輿圖目錄

總圖第一

河南圖第二

山東圖第三

山西圖第四

直隸圖第五

陝西圖第六

江南圖第七

湖廣圖第八

浙江圖第九

河未徙圖第十

附江西饒州南康九江三府寧州

附四川夔州府

附江西饒州廣信二府

附入河出河諸水 附濟水

河初徙圖第十一

附入淮諸水

淮水圖第十二

附入江入漢諸水

江水漢水圖第十三

春秋輿圖目錄終

春秋輿圖


錫山 顧棟高復初 著


金匱 華 淞半江 定

古稱左圖右史惟春秋列國尤不可不圖亦惟春秋列國尤難圖以其強兼弱削大小無定形不可畫定分封時疆界爲某國又犬牙相錯勢如亂絲有以今之一縣而四國錯壤者今以

本朝輿圖爲準填寫春秋時列國都邑曰河南曰山東曰山西曰直隸曰陝西曰江南而附四川于湖廣附江西于江南浙江爲圖八又總圖一止列國名河圖二詳未徙已徙時分岐地界淮水及江漢圖各一庶行軍之往來屯戍之要害使聘之郵遞河道之遷變開卷而瞭然具見亦讀左之一助云乾隆十年三月五日識

總圖 每方五百里





陝西求友齋

此圖因局于尺幅故于 昭代輿地止列春秋時所有諸國省分如福建兩廣雲貴但畫出接界處不列府州以上十省亦但列府州不及縣各省首府不載府名晉楚諸國其都屢遷今圖中如晉衛莒杞秦吳六國從其最後書之蔡許邾邢四國列其始封楚都郢最久繫之荊州府其初遷及屢遷始末俱詳列于左以資參考至夏商諸國已詳存滅表中茲不復載又畫方計里昉于朱思本今惟總圖每方五百里餘俱一百二十五里本 皇輿圖以北極出地度及東西偏度俱每度二百五十里每方得半度也

晉

始封唐

今太原府太原縣

遷于絳

亦曰翼在今平陽府翼城縣東南

再遷新田

仍謂之絳在今平陽府曲沃縣西南

衛

始封朝歌

在今衛輝府淇縣東北

遷于楚邱

在今衛輝府滑縣東

再遷帝邱

在今大名府開州西南

蔡

始封蔡

在今汝寧府上蔡縣西南

遷于新蔡

今汝寧府新蔡縣

再遷州來

亦曰下蔡在今鳳陽府壽州北

許

始封許

在今許州府治石梁縣東

遷于葉

今南陽府葉縣

再遷夷

即城父在今鳳陽府亳州東南

三遷白羽

一名析在今南陽府內鄉縣西

四遷容城

在今南陽府葉縣西

莒

始封介根

在今萊州府膠州西南

遷于莒

今沂州府莒州

邾

始封邾

在今兗州府鄒縣東南

遷于繹

在故都稍北

杞

始封雍邱

今開封府杞縣

遷于濇于

在今青州府安邱縣東北

再遷緣陵

在今青州府昌樂縣西南

復遷濇于

邢

始封邢

在今順德府治邢臺縣西南

遷于夷儀

在今東昌府治聊城縣西南

秦

始封西垂

今秦州

遷于平陽 在今鳳翔府郿縣西春秋初秦尙都此

再遷雍 在今鳳翔府治鳳翔縣南

楚
始封丹陽 在今宜昌府歸州東南

遷于丹陽 在今荊州府枝江縣西春秋初楚尙都此


再遷郢 今荊州府治江陵縣


吳
始封吳 在今常州府無錫縣東南

遷于姑蘇 今蘇州府治吳縣

河南輿圖

每方一百二十五里





開封府

鄭時來在縣東四十里

祥符

鄭牛首在縣西南十一里 鄭斗城在縣南三十五里 宋老邱在縣北四十五里

陳留

杞始都雍邱今縣治後為宋邑 鄭囿在縣南五十里 鄭鳴雁在縣北四十里 宋曲棘

杞縣

在縣境 鄭向在縣西南四十里 鄭菟氏在縣西北四十里

尉氏

鄭匡在縣東北 鄭曲洧在縣南 鄭陰阪在縣西

洧川

鄭鄆亦曰鄆陵在縣西南四十里

鄆陵

鄭東汜在縣南 鄭原圃即圃田澤在縣西北七里 鄭北林在縣西南

中牟

鄭城棘在縣北十里

陽武

魯黃池在縣西南七里 宋長邱在縣南八里 衛平邱在縣東四十里 衛鞠居在縣境

封邱

鄭蠡牢在縣北二里

蘭陽

宋戶牖在縣東北二十里

鄭州 鄭管本管國卽州治 祭園在州東北十五里非鄭邑 鄭州在州東八里 鄭梅山在州西南三十五里

滎陽 古東虢國 鄭京在縣東南三十里 鄭索氏在京城西二十里 鄭垂隴在縣東二十里 京水在縣東二十二里 索水在縣南三十五里卽旃然水

滎澤 鄭踐土在縣西北十五里 鄭滎澤在縣南

河陰 鄭敖山在縣西二十里

汜水 鄭制卽虎牢本東虢地在縣西二里 鄭申在縣北 鄭梧在縣東 汜水出縣東三十二里浮戲山下浮戲山卽鄭戲童亦曰戲

陳州府

淮寧 陳都宛邱在縣南三里 陳濮在縣北 陳長陵在縣西南四十里 陳壺邱在縣南 宋權卽牽在縣西 宋赭邱在縣東按後漢志長平縣有赭邱城長平故城在今府城之東六十里

商水 項國今縣治

西華 宋鬼閭在縣西南

項城 項國今縣治 楚郢在縣境 陳厥貉大冥俱在縣境

沈邱 楚養在縣東北 楚沈邑卽寢邱在縣南

扶溝 鄭桐邱在縣西二十里

許州府

石梁 許都在縣治東三十里亦曰舊許 許展陂在縣西北 許頊任冷敦亦在縣境 魯許田在縣西北 周狐人在縣境 鄭陽陵在縣西北 鄭狼淵在縣西

臨潁 鄭城潁在縣西北十五里 鄭大陵在縣北三十里 鄭皋隄在縣西北

襄城 鄭南汜在縣南 楚汾在縣東北卽戰國策汾陰之塞與新鄭陰山俱爲南北隘道

郟城 楚召陵在縣東四十五里 楚陰在縣東南 楚郟城在縣東南三十五里

長葛 鄭長葛在縣北十二里卽橋葛

禹州 鄭櫟邑爲鄭別都卽州治 鄭上棘在州南 鄭高氏在州西南 鄭雍梁在州東北 鈞臺在州城北門外

密縣 鄭國卽郟城在縣東北五十里 鄭新密卽新城在縣東南三十里 鄭弭在縣境

新鄭 鄭都在縣治西北 制田在縣東北 葉卽葉林在縣東二十五里 陰山在縣南三十里 亦曰陰田 函陵在縣北十三里 洧水在縣南曰洧上曰桑氏曰洧淵 黃崖在縣東南二

十里 棘澤在縣東南 瑛在縣北皆鄭地

歸德府

商邱

宋都商邱在今縣治西南三里 亳在縣西北亦曰薄此北亳也縣東南四十里有穀熟故城卽南亳也偃師之亳西亳也惟西亳屬鄭 稷在縣境 蒙澤在縣東北三十五里 橫在縣西南 新城在縣南 穀邱在縣南四十里 陽梁在縣東南三十里 孟諸澤在縣東北接虞城縣界 睢水在縣南凡曰睢上睢溼次睢之社皆此睢也 鵠口在縣東皆宋地

寧陵

葛園在縣北十五里 宋甯在縣西 宋沙隨在縣西六里 宋灼陵在縣南二十五里 宋大棘在縣西南七十里

鹿邑

陳鳴鹿在縣西十三里 宋營母在縣境 潁水在縣南

夏邑

宋朝邨在縣境 曹豸邱在縣西南

永城

宋犬邱在縣西北三十里 梵棘在縣南

虞城

古虞園 綸在縣西三十五里 宋空桐在縣東三十里 宋空澤連中大尹多魚俱在縣境

睢州

宋承匡在州西三十里 宋孟在州西北 衛首止在州東南 衛巢在州南二十里 衛亥牛在州境 鄭滑在州西北 鄭鄆在州東南

柘城

宋泓水在縣北

考城

戴國在縣東南五里鄭取之改名穀城 宋葵邱在縣治東 宋黃在縣西三十六里

彰德府

安陽

衛商任在縣境 恒水在縣北四里源出林縣西北林慮山

湯陰

晉中牟據注疏第言當在河北張守節史記正義湯陰縣西有牟山中牟當在其側余初作晉中牟論疑當在邢臺邯鄲之閒今考經文齊侯衛侯次于五氏五氏在今邯鄲縣西南左傳衛侯將入五氏卜過中牟衛自開州至邯鄲則湯陰其必由之境湯陰至邯鄲一百六十餘里傳言中牟人伐齊師者亦不甚遠今縣西五十里有中牟城張氏之說亦未可盡非也因附識于此

內黃

衛柯在縣東北 衛戲陽在縣北 衛澤在縣西南又曰脾上梁之閒

衛輝府

汲縣

衛牧在縣西南二十五里 棘津據寰宇記在縣南七里水經注棘津故南津也僖公二十八年晉將伐曹假道于衛衛人不許還自南河濟即此也晉伐陸渾亦于此渡按昭十七年傳九月丁卯晉荀吳帥師涉自棘津使祭史先用牲于雒陸渾人弗知庚午遂滅陸渾陸渾在今河南府嵩縣與汲縣相去七百餘里丁卯至庚午僅四日軍行安得如此之